



LECTIO PREADOLEXENTE - ADOLEXENTE SIRA OBEDIÊNCIA

Iha pasajen barak iha ne'ebé Jezús ko'alia kona-ba obediência ka, tuir liafuan sira ne'ebé bainbain Nia uza, "halo Maromak nia hakarak". Ba preadolexente no adolexente sira, ita sei hakle'an **Mt 21,28-31**, tanba permite atu halo diálogu ho preadolexente sira no mós la susar atu halo drama ho pasajen ida ne'e.

Ita hahú hodi halo introdusaun ba pasajen ida ne'e:

evangelista Mateus de'it apresenta aiknanoik ida ne'e; evangelista sira seluk, maski iha aiknanoik ka Jezús nia liafuan sira ne'ebé besik pasajen ida ne'e, sira la haktuir kona-ba oan na'in rua.

Aiknanoik ida ne'e halo parte aiknanoik tolu (ida ne'e mak dahuluk) ne'ebé Jezús haktuir ba povu atu esplika katak sira ne'ebé loloos atu tuir Jezús, sira ne'e, de faktu, hakribit Nia.

Aiknanoik ida ne'e badak liu, maibé Jezús haktuir istória ida ne'e hodi envolve sira ne'ebé rona Nia, husu sira-nia hanoin no halo sira rasik "tesi lia" kona-ba sira-nia moris.

Tan ne'e ita mós sei hakle'an aiknanoik ida ne'e tuir "itinerariu" ida ne'e:

- 1) Lee pasajen S. Mateus nian to'o: ³¹"Sira na'in rua ne'e, ida ne'ebé mak halo tuir nia aman nia hakarak?"
- 2) Husu ba preadolexente sira atu sira rasik hatán ba Jezús nia pergunta no fó motivasaun ba sira-nia resposta.
- 3) Fahe sira ba grupu rua: ida-idak hakle'an oan ida hodi koko hakerek oan ida ne'e hanoin saida bainhira nia aman husu atu ba servisu, tansa nia halo nune'e...
- 4) Tuir mai sira ba buka Jezús nia liafuan sira ne'ebé bele halo sira esplika di'ak liután sira nia personajen nia hahalok (ez Mt 5,19, ka Mt, 7,21; ka Jo 4,34...)
- 5) Grupo hili ema ida ne'ebé bele halo drama, hodi raprezenta "sira-nia" oan iha drama

- 6) Animadór ida sei halo aman ne'ebé ko'alia ho oan sira no ida sei halo Jezús.
- 7) Tuir mai hahú hodi lee Evanjellu

J: Imi hanoin oin sa? Ema ida iha oan mane na'in rua. *(Aman tama no hafoin oan ida tama tuir)*

A: Oan, ohin ó ba serbisu iha to'os



Oan 1: Ha'u ba, Na'i

(iha momentu ida ne'e, ida ne'ebé interpreta oan 1, halo drama hodi apresenta tansa nia la halo tuir buat ne'ebé nia aman husu. Nia bele ko'alia ba nia kolega sira hodi esplika tansa nia la ba, ka nia bele halo hanesan ko'alia ho ninia an rasik). Hotu ona nia sai no oan ida fali tama.

A: Oan, ohin ó ba serbisu iha to'os

Oan 2: Ha'u lakohi

(nia halo hanesan oan seluk hodi esplika ninia motivasaun). Nia sai no Jezús tama fali

J: Entaun, imi hatene ba Ha'u saida mak obediência?

Preadolexente no adolexente sira bele hatán hodi uza fraze sira ne'ebé sira buka ona iha grupu; animadór sei haka'as an atu halo sira hotu ko'alia.

[importante komprende katak dala ruma ita, hanesan oan nakarteen, ita la fó disponibilidade ba Maromak, ita buka dalan atu halai husi Nia, maibé Nia hein ita nafatin, tan ne'e, maski ita dala ruma la halo tuir Ninia hakaran, Maromak pruntu nafatin atu simu ita].

J: Se buat ne'ebé imi dehan katak "halo Maromak nia hakaran", ita bele halo saida atu sai "obediente" tuir Maromak nia projetu?

Husik preadolexente sira fahe buat ne'ebé sira hanoin, hafoin, hamutuk, hola empeñu ida atu sira bele moris tuir buat ne'ebé sira reflète.



Orasaun:



Iha tempu ida ne'e, sira bele fó atensaun partikular ba fraze "haraik tulun ba ema atu tuir Ita-nia hakarak", bainhira sira reza "Ami Aman".